



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hierakosophion

Demetrius <Pepagomenus>

Lvtetiae, 1612

Vorwort

urn:nbn:de:hbz:466:1-12846



DVOS de re accipitraria libros Græcos Latine ut eleganter, sic prælicenter vertit Petrus Gillius, ambosque Demetrii nomine inscripsit: quum tamen ipse in codice quem bibliotheca regia dicauit, secundum librum duriores esse iudicauerit. Quod viri non solum Græcarum Latinarumq. literarum, sed & historia naturalis peritissimi iudicium, quum sit verissimum, eo confidentius pronuntiamus, alterum illum librum longe dissimilem esse primo, nec eodem elaboratum ingenio: imo tam liquido nobis constare non esse unum utriusque auctorem, quam in dubio est, an alteruter Demetrio sit tribuendus. etenim exemplar, quod nobis è bibliotheca regia deprompsimus, nullum auctoris præ se fert titulum, sed tantum operis & quidem simplicissimum, Βιβλίον ἰερακοφικόν. ut vero simile fiat, idem in hisce scriptis contigisse, quod hippiatricis atque etiam geoponicis accidisse videmus: ex varijs scilicet variorum scriptorum sententijs collectitium librum extitisse; nullius auctoris, nisi forte illius qui collegit, nomine nuncupandum. quamuis & hoc nobis

etiam ambiguum diuersorum collectiones effe-
cerint. nam ecce libros viginti geponicorum
Cassiano Basso, ad quem Hierocles mulomedicus
scripsit, plerique viri doctissimi tribuunt: &
tamen totidem libros à Vindanio Anatolio
Beryto collectos se legisse tradidit Photius. rursus
in illa ipsa collectione & Vindanij & Anatolij
& Beryti georgicas obseruationes plerisq. locis in-
sertas animaduertere est; vt iam ij non inter col-
lectionum artifices, sed inter auctores censendi
sint. deniq. quum nihil non sibi permiserit lit-
terata Græcorum natio, mittamus curiosam
istam disquisitionem; deq. auctorum nominibus
parum solliciti, nobiles ingeniorum vna cum
imperio deficientium reliquias, quasi optimi
vini poscam, si frugi sumus, non vsquequaque
fastidiamus.